

Pingmál Kvennalistans í atvinnumálum:

- 1. 1984-85. Tillaga um úthlutunarreglur húsnæðislána.** (Skipti miklu fyrir framleiðslu einingahúsa). Sjá 13. kafla um húsnæðismál.
- 2. 1984-85. Tillaga um átak í byggingu leighúsnaðis.** Sjá 13. kafla.
- 3. 1984-85. Tillaga um eflingu ferðaþjónustu.**
- 4. 1985-86. Tillaga um úrbætur í ferðaþjónustu.** Tillagan var samþykkt 22. apríl 1986 svolítið breytt og þá svohljóðandi: "Alþingi ályktar að fela samgönguráðherra að láta gera úttekt á aðstöðu til ferðaþjónustu á helstu ferðamannastöðum í einstökum landshlutum. Úttektin skal m.a. ná til gistaðstöðu, veitingaþjónustu, samgangna, leiðsögu og leiðamerkinga, eftirlits, aðgangs að áhugaverðum stöðum, upplýsingaþjónustu og hreinlætisaðstöðu. Á grundvelli slískrar úttektar skal gerð áætlun um úrbætur. Verk þetta skal unnið í samráði við ferðamálasamtök landshlutanna."
- 5. 1985-87. Tillaga um upplýsingaöflun um markaðsaðstæður erlendis.** Flutt tvívegis.
- 6. 1987-90. Tillaga um endurvinnslu og fullnýtingu úrgangsefna.** Flutt tvívegis.
- 7. 1988-90. Tillaga um nýja atvinnumöguleika á landsbyggðinni.** Tillagan var flutt tvívegis og samþykkt örlítið breytt 19. mars 1990 svohljóðandi: "Alþingi ályktar að fela ríkisstjórninni að kanna með hvaða hætti unnt er að nota nútíma tölvu- og fjarskiptatækni til að flytja verkefni á vegum ríkisstofnana og annarra aðila frá höfuðborgarsvæðinu til annarra landshluta svo og hvernig auka megi tölvufræðslu. Sérstaklega verði kannaðir möguleikar á að nýta þessa tækni til þess að koma á laggirnar fjarvinnustofum í því skyni að fjölgum og auka fjölbreytni í atvinnulífi byggðarlaganna.
- 8. 1988-89. Skýrslubeiðni: Staða og rekstur fiskvinnslufyrirtækja.** 71. mál, skýrslan á þingskjali nr. 359.
- 9. 1989-91. Frumvarp um breytingu á lögum um Byggðastofnun = tillaga um sérstaka kvennadeild.** Frumvarpið var flutt tvívar sinnum og hefur væntanlega átt sinn þátt í því að tekin var upp sérstök fjárveiting á vegum félagsmálaráðuneytis til atvinnumála kvenna á landsbyggðinni, sem síðan hefur verið breytt í stuðning við atvinnumál kvenna almennt. Kvennalistinn hefur ítrekað lagt til hækjun á þessum lið við afgreiðslu fjárlaga.
- 10. 1989-90. Tillaga um leiðsögumenn í skipulögðum hópferðum erlendra aðila á Íslandi.** Tillagan var samþykkt 23. apríl 1990 nokkuð breytt, svohljóðandi: "Alþingi ályktar að fela samgönguráðherra að skipa nefnd til að endurskoða reglugerð nr. 175/1983 um eftirlit með skipulögðum hópferðum erlendra aðila til Íslands í atvinnuskyni. Í nefndinni eiga sæti fimm fulltrúar skipaðir af eftirfarandi aðilum: samgönguráðuneyti, umhverfisráðuneyti, Félagi leiðsögumanna, Félagi íslenskra leiðsögumanna, Félagi íslenskra ferðaskrifstofa og ferðafélögum áhugamanna. Ný reglugerð öðlist gildi eigi síðar en 1. janúar 1991." Því er svo við að bæta að reglugerðin var aldrei sett, þar sem hún taldist ekki hafa stoð í lögunum.
- 11. 1990-91. Tillaga um heimilisiðnaðarráðgjafa.** Tillagan var samþykkt 25. febrúar 1991 nokkuð breytt, svohljóðandi: "Þingsályktun um eflingu heimilisiðnaðar. Alþingi ályktar að fela

Snn →

forsætisráðherra að kanna, í samráði við fræðsluyfirvöld, samtök listamanna og Heimilisiðnaðarfélag Íslands, hvernig efla megi heimilisiðnað hér á landi. Helstu markmið verði eftirfarandi: a. Að kanna stöðu heimilisiðnaðar og minjagripagerðar á landsbyggðinni. b. Að leita uppi gamlan fróðleik um gerð ýmissa þjóðlegra muna með það að markmiði að þjóðleg handíð varðveitist og þróist áfram. c. Að kanna hvernig veita megi faglega ráðgjöf með því að efna til námskeiða þar sem kunnáttufólk leiðbeini um rétt vinnubrögð og handtök við gamla heimilisiðnaðinn og mikilvægi þess að nota hráefni sem er sérstakt fyrir Ísland. d. Að leggja sérstaka áherslu á vinnslu íslensku ullaninnar, t.d. með því að standa fyrir tóvinnunámskeiðum. e. Að sækja aðstoð til hönnuða og hugmyndasmiða í leit að nýsköpun í heimilisiðnaði. f. Að aðstoða fólk við fjármögnun og markaðssetningu. g. Að hafa samstarf við atvinnumálaráðgjafa þar sem þeir eru starfandi."

12. 1990-92. Tillaga um framleiðslu vetrnis. Tillöggunni var vísað til ríkisstjórnarinnar, en árið eftir var hún endurflutt.

13. 1989-90. Kvennalistinn lagði fram ítarlegar breytingartillögur við frumvarp um stjórnun fiskveiða, og birtust þær í frumvarpsformi í nefndaráliti Kvennalistans við afgreiðslu kvótafrumvarpsins í efri deild. Sjá sjávarútveg hér aftar.

14. 1991-92. Tillaga um átak í atvinnumálum kvenna á Suðurnesjum og aðgerðir vegna mikils atvinnuleysis kvenna þar.

15. 1991-93. Tillaga um tengsl ferðaþjónustu við íslenska sögu og sögustaði. Tillagan var samþykkt 6. maí 1993 svolítið breytt, svohljóðandi: "Alþingi ályktar að fela ríkisstjórninni að skipa fimm manna nefnd til að setja fram hugmyndir og tillögur um það hvernig nýta megi sögu þjóðarinnar, sögustaði, þjóðhætti, verkmenningu og bókmennitir til að efla og bæta ferðaþjónustu innan lands."

16. 1991-1994. Tillaga um auðlindakönnun í öllum landshlutum. Flutt tvisvar. **Vísað til ríkisstjórnarinnar 27. apríl 1994.**

17. 1992-93. Tillaga um hönnunarmiðstöð. Sjá 5. kafla um menningarmál.

18. 1993-95. Tillaga um nýtingu og markaðssetningu rekaviðar. Flutt tvisvar.

19. 1993-94. Frumvarp um stjórn fiskveiða, samrráðsnefnd. Sjá sjávarútveg hér aftar.